


Vaajlugkub rua Mivnyuas Yau Nthuav Tawm

Thawj lub Koomtsheej Yexus Sawv



Tug Sau yog: Edward Hughes
Tug Kus Dluab yog: Janie Forest

Tug Txhais yog: Andy Yang
Tug Hloov yog: Lyn Doerksen

Zaaj 54 ntawm 60



www.M1914.org

Bible for Children, PO Box 3, Winnipeg, MB R3C 2G1 Canada

Ntawv Tso Cai: Koj muaj cai muab zaaj nuav kaij lossis luam, tsuav yog koj tsi xob muab muag xwb.

Hmong Blue

Tug quaspuj sawv ntawm ib ntaa roob kws ntshu ntshu, nwg lub qhovmuag saib moog rua ib qhov kws rhab qhovmuag heev. Nwg tug Tub raug luas muab tua. Leej nam nuav yog Malis, hab nwg nreg ze qhov chaw kws luas muab Yexus ntsa rua sau ib tug ntoo khaublig.




Tej xwmtxheej nuav tshwmsim le caag lug? Yog le caag Yexus lub neej kws zoo kawg nkaus yuav moog xaus phem ua luaj le? Yog le caag Vaajtswv tseem kaam luas muab Nwg tug Tub ntsa rua sau ib tug ntoo khaublig hab ca Nwg tuag rua sau? Puas yog Yexus xaav yuamkev has tas Nwg yog Leejtwg? Puas yog Vaajtswv swb lawm?



Tsi yog! Vaajtsvw tsi swb le. Yexus tsi tau xaav yuamkev. Yexus yeej paub uantej lawm has tas cov tuabneeg phem yuav muab Nwg tua. Thaum Yexus tseem yog ib tug mivnyuas mog xwb, muaj ib tug txivneej laug laug hu ua Ximoos twb qha rua Malis has tas yuav muaj kev ntxhubsab nyob tom hauvntej.

3

Ob peb nub uantej kws Yexus yuav raug muab tua, ib tug quaspuj coj ib cov tshuaj tsw qaab lug laub rua Nwg kuataw. "Nwg phumlaam nyaj ua luaj le," cov thwjtim ywg. "Nwg ua tau ib teg dlejnum zoo," Yexus teb paub. "Nwg ua npaaj rua nub kws coj kuv moog log." Cov lug nuav txawv ua luaj lej!



4

Tomqaa nuav, Yudas, ib tug ntawm Yexus kaub-ob tug thwjtim, pum zoo ntxeev sab rua Yexus nrug tug povthawj hlub rua 30 npib nyaj.



5

Lub sijhawm cov Yudas ua koomtsheej Kevcai Hlaa Dlhau, Yexus nrug Nwg cov thwjtim noj mov zag kawg. Nwg qha rua puab ntau yaam zoo heev txug Vaajtsvw hab Nwg tej lug cogtseg rua cov kws hlub Nwg.



6

Ces Yexus muab ib lub ncuav hab ib lub khob rua puab sibfaib noj. Cov nuav yog ua chaw ncu txug Yexus lub cev hab cov ntshaav kws nrug sub txhaj muaj kev zaamtchim rua kev txhum.



7

Ces Yexus qha Nwg cov phoojywg has tas yuav muaj tug ntxeev sab rua Nwg hab puab yuav tsiv taag huv tuabsi. "Kuv yuav tsi tsiv moog le," Petus has khovkho. "Uantej qab qua, koj yuav tsi leeg paub Kuv peb zag," Yexus teb.



8



Mo ntawd, Yexus moog thov Vaajtswv huv lub Vaaj Kexemanes. Cov thwjtim kws nrug Nwg moog tsaug zug taag. "Aub Kuv Leejtxiv," Yexus thov, "...Ca lub khob nuav dlhau Kuv moog. Txawm le caag los, tsi xob ua lawv le Kuv tug dlejsab, tabsis ca ua lawv le Koj tug dlejsab."


9

Taamsim ntawd ib paab tuabneeg coob coob taugkev tuaj rua huv lub vaaj, Yudas ua tug coj. Yexus tsi tawmtsaam le, tabsis Petus txav ib tug txivneej lub pobntseg tu. Yexus ua twbywv kov tug txivneej lub pobntseg hab khu nwg zoo. Yexus paub has tas qhov puab nteg Nwg nuav yog Vaajtswv tug dlejsab.



10

Paab tuabneeg coob coob coj Yexus moog rua tug povthawj hlub lub tsev. Nyob rua tod, cov Yudas



cov thawjcoj has tas Yexus tsimnyog tuag. Nyob ze ntawd, Petus nyob ib saab ntawm cov tubkhai cub suavtawg hab zuv.

11


Tuabneeg saib ntsoov Petus hab has peb zag has tas, "Koj nrug Yexus!" Petus tsi leeg paub peb zag,



ib yaam le Yexus has uantej lawm tas Petus yuav ua. Petus tseem twvntuj kuam foom tsi zoo hab.


12

KHAB-KA-DUB DUM-DUS



Taamsim ntawd, tug qab qua. Nwg zoo le Vaajtswv lub suab rua Petus. Petus ncu txug Yexus cov lug, Petus quaj tu sab kawg le.


13



Yudas tu sab, kawg

le hab. Nwg paub has tas Yexus yeej tsi muaj kev txhum lossis ua phem. Yudas coj 30 npib nyaj rov moog tabsis tug povthawj hlub tsi kaam txais. Yudas muab cov nyaj laim rua huv aav, tawm moog - hab moog dlai nwg tugkheej.


14



Cov povhawj hlub coj Yexus tuaj cuag Philaj, tug tswvxeev Loos. Philaj has tas, "Kuv tsi pum tug txivneej nuav muaj ib qhov txhum le." Tabsis paab tuabneeg coob coob pheej quajqw has tas, "Muab Nwg ntsa sau ntoo


khaublig! Muab Nwg ntsa sau ntoo khaublig!"

15




Thaum kawg Philaj ua tsi tau le caag, hab txavtxim muab Yexus moog ntsa rua sau ib tug ntoo khaublig. Cov tubrog ntaus Yexus, ntu quavncaug rua Nwg lub ntsejmuag, hab nplawm Nwg. Puab muab xuavpaug lug ua ib lub mom hab muab looj rua Nwg lub taubhau. Ces puab muab Nwg ntsa rua ib tug ntoo khaublig kuam Nwg tuag.

16



Yexus yeej paub lawm has tas Nwg yuav tuag le nuav. Hab Nwg paub has tas Nwg txuj kev tuag yuav zaam tau cov tuabneeg txhum kws tso sab rua Nwg. Muaj ob tug tubsaab raug muab ntsa nrug Yexus ib saab. Ib tug ntseej Yexus - hab tau moog nyob ntuj ceebtsheej. Tug saab tod tsi tau moog.

17



Ntau teev tomqaab kws Nwg raug txomnyem heev, Yexus has tas, "Tav lawm luaj," hab tuag lawm. Nwg teg dlejnum tav lawm.

Nwg cov phoojywg coj Nwg lub cev moog faus rua huv ib lug qhovntxaa.

18



Ces cov tubrog Loos leem lub cim rua hab zuv lub qhovntxaa. Tsi muaj leejtwg moog tau rua huv - lossis tawm huv lug.


19



Yog zaaj nuav xaus le nuav xwb, ces yog ib qhov tusab heev. Tabsis Vaajtsvw ua ib yaam tshwjxeeb heev. Yexus tsi yog tuag ces taag le ntawd!


20

Thawj nub ntawm lub limtam
thaum sawv ntxuv ntxuv,
Yexus ib cov thwjtim pum
dlaim laag zeb kws npug
lub qhovntxaa muab
dlov tshem lawm.
Thaum puab moog
saib huv, Yexus
tsi nyob huv
lawm.



21

Ib tug quaspug nyob ntawm lub
qhovntxaa quaj quaj. Yexus
tshwm lug rua nwg pum! Nwg
dlha zoo sab hlo rov moog qha
cov thwjtim. "YEXUS MUAJ
TXUJSA NYOB! YEXUS
SAWV HUV QHOVTUAG
ROV LUG



22

Tomqaab Yexus lug ntsib cov thwjtim, hab
muab Nwg tej qhov ntsahlau qha rua puab.
Muaj tseeb le ntawd. YEXUS ROV MUAJ
TXUJSA NYOB LAW! Nwg zaamtxim
rua Petus kws tsi leeg paub Nwg, hab qha
kuam Nwg cov thwjtim moog qha txhua leej
txhua tug txug Nwg. Ces Nwg rov moog
sau ntuj, qhov chaw kws Nwg nqeg
lug yug thawj zag.

23

Thawj lub Koomtsheej Yexus Sawv

Ib zaaj huv Vaajtswv Txujlug,
phoo Vaajlugkub,

yog nyob rua huv

Mathais 26-28, Lukas 22-24,
Yuhaas 13-21

"Lub chaw rua Koj cov Lug nkaag kws muaj
teeb ci." Ntawv Nkauj 119:130



Vaajtswv paub has tas peb ua ntau yaam phem, kws Nwg hu
ua kev txhum. Txuj kev rau txim rua kev txhum yog kev tuag.

Vaajtswv hlab peb kawg le kws Nwg xaa Nwg Leejtub, Yexus,
lug tuag sau tug Ntoo Khaublig hab them peb lub txim.

Yexus sawv rov lug muaj sa hab rov moog sau Ntuj
Ceebtsheej! Nwgnuav Vaajtswv muaj peevxwm
zaam tau peb tej kev txhum.

Yog koj xaav tsiv tawm ntawm koj tej kev txhum, has le
nuav rua Vaajtswv: Aub Vaajtswv, kuv ntseeg has tas Yexus
tuag txhvw kuv hab nwgnuav tseem muaj sa nyob. Thov Koj
lug nyob huv kuv lub neej hab zaam kuv tej kev txhum, sub
kuv txhaj le muaj txujsa tshab, hab ib nub moog nrug Koj
nyob moog ib txhis. Thov paab kuam kuv ua neej rua
Koj le Koj tug mivnyuas.

**Nyeem phoo Vaajlugkub hab nrug Vaajtswv
sibthaam txhua nub!**